

Marcos Bislip Jr. ta cumpli 32 aña trahando na radio

ORANJESTAD -- Dia 8 di November 2013 e conocido locutor, dj y presentando di programa na radio esta Sr. Marcos Bislip Jr. ta cumpli 32 aña den radio aki na Aruba tres decada y 2 Aña den radio na Aruba.

Marcos Bislip Jr. a inicia su carera na radio Dia 8 di November 1981 na Radio Antilliana 1270 AM danki na Sra. Morgan Arrindell y infeliz memoria Sr. Tuyo Prins kendenan a pone un confianza grandi den Sr. Marcos Bislip Jr. Sra. Morgan Arrindell ta e persona cu a acerca Sr. Marcos Bislip Jr. mirando cu Sr. Bislip tin un talento y un amor grandi pa radio y pa tres luna largo Sr. Marcos Bislip a wordo prepara pa Sra. Morgan Arrindell Awe Sr. Marcos Bislip Jr. ta gradici Dios na prome luga di a duna un talento special den radio y tambe na Sra. Morgan Arrindell y Sr. Tuyo Prins infeliz memoria cu a kere den Marcos Bislip Jr. y na 1987 Marcos Bislip Jr. a sali e miho locutor hubenil di Aruba pa Aruba Toastmaster. Tabata Dia 8 di November 1981 pa 8'or di anochi cu Marcos Bislip Jr. ta haya e luz berde di su maestra Sra. Morgan Arrindell y infeliz memoria Sr. Tuyo Prins Director di Radio Antilliana 1270 AM cu e por bay den aire despues di un prepara-

cion intenso di tres luna. Marcos Bislip Jr. durante tres luna mester a haci diferente test y preparacion prome cu e la bay den aire oficialmente y awe cumpliendo 32 Aña Marcos ta logra traha tres decada y dos Aña na radio un logro grandi paso e no ta facil. Marcos Bislip Jr. a traha hunto cu Roberto Geerman na Radio Antilliana 1270 AM ambos aworo prepara pa Sra. Morgan Arrindell. Despues cu Sr. Marcos Bislip Jr. aworo premia como e miho locutor y dj hubenil na 1987 Marcos aworo busca pa traha na Radio Carina 98.9 FM 1988 y na unda cu pa prome biaha Marcos ta bay for di AM pa FM.

Na 1989 Marcos ta bolbe Radio Antilliana den oranan di merdia haciendo furor te cu na 1990. Na 1990 pa 1995 Marcos Bislip Jr. ta bay Canal 90 FM den oranan di marduga pa mainta y despues na 1995 pa 1999 Marcos a traha na Voz di Aruba 1320 AM. Na 1999 Marcos ta bay traha pa e radio cu e la yuda funda na 1988 pa 1989 esta Top 95.1 FM na unda Sr. Bislip a traha un Aña como hefe di departamento di Noticia y tambe como operador y locutor y dj y tabata tin un programa anochi for di 8'or pa 10'or di anochi na 1999-2000. Marcos tin su propio radio ariba

internet Aruba Internet Radio cu tabata on for di 2000 te cu 2008 y asina a sigui cu su carera den radio pero via internet. Na 2008 Dia 24 di Juni 2008 pa 8'or di anochi Marcos Bislip Jr. ta bay den aire atrobe ariba FM cu ayudo di su amigo ruman Joe Hernandez kendenan a traha hunto na Radio Carina 98.9 FM. y danki na apoyo y ayudo di su famia. Marcos Bislip Jr. a bolbe radio ariba peticion di varios oyentenan cu a topa Sr. Bislip den un fastfood restaurant pa e bolbe atrobe y esey Marcos a haci tambe y awe ta den aire cu e programa Hit Express tur Diamars anochi for di 8'or pa 12:00 di anochi y Diahuebs anochi for di 8'or di anochi te cu 12:00 di anochi cu un programa romantico cu a crece bira grandi esta Romantic Paradise e paraíso romantico.

Durante e programa special di Lucky Dube y tambe di e programa di Romantic Paradise y tambe di Marathon Oldies 99.9 Marcos Bislip Jr. a haya un apoyo masha grandi for di e pueblo. Marcos Bislip Jr. ta record holder den oranan di marduga den radio na Aruba y tambe ta record holder den oranan di anochi. Marcos Bislip Jr. ta den aire

tambe den oranan di merdia pa atardi na radio via GFM 99.9 Galactica pa cual Marcos Bislip Jr. ta haciendo un furor grandi cu e programa Prime Time dominando e sintonia nacional den oranan di merdia pa atardi y te cu awor no tin ningun programa cu por supera su programa y su estilo unico den radio.

Arbi Compania Mericano y Aruba Media Research Group instancia local kendenan ta haci e investigacion pa cu e miho programa y esun mas scucha ta duna Hit Express ariba Diamars anochi como e programa mas scucha y Diahuebs anochi Romantic Paradise como e miho programa romantico den oranan di anochi den radio na Aruba y Prime Time como e miho programa den oranan di merdia pa atardi. Prime Time ta wordo presenta tur merdia pa atardi for di 2:00 pm pa 4:00 pm atraves di GFM 99.9 Galactica.

Esaki tabata un reto grandi pa Marcos Bislip Jr. paso bo ta competiendo cu otronan cu tin varios anja caba den aire y tabata Dia 15 di October ultimo cu Prime Time, Marcos Bislip Jr. y GFM 99.9 Galactica ta logra 1 Aña di mantene

e sintonia nacional, Marcos ta logra bira e unico locutor, dj y presentando di programa na radio na Aruba cu tres record ariba su nomber marduga, anochi y di merdia pa atardi tur tres programa ta mas scucha den radio na Aruba y presenta pa Marcos Bislip Jr. y atraves di e lider den programacion GFM 99.9 Galactica e Gigante ariba FM. Mientras cu Diabierna Dia 8 di November 2013 pa 8'or di anochi Marcos lo logra un otro logro grandi esta yega na su 32 Aña den radio difucion na Aruba cual ta un trayectoria largo den radio.

In conexion cu e Celebracion di 32 Aña Diabierna Dia 8 di November 2013 Marcos Bislip Jr. lo presenta un programa special na unda Marcos Bislip Jr. lo presenta e cancionnan cu e la presenta durante su carera profesional den radio difucion for di 8'or te cu 12:00 di anochi durante cuater ora di programacion como aprecio y gradicimento na e pueblo di Aruba y na tur e oyentenan.

Tambe Marcos Bislip Jr. ta director di Aruba Digital News, News provider ariba internet y alabes di dos internet y web radio Radio Tropical Aruba y Sunrise Radio Aruba. □